



## Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

De femina, quae à diabolo in specie serui sibi noti pressa, mortua est cap.  
31.

**urn:nbn:de:hbz:466:1-13177**

inter manus illos deportauerunt. Tunc diabolus dixit Abbatii: Quò iturus es modò? Respondente Abbatie, Eberbachum. Subiunxit ille: Ego etiam in Sueuerbacho fui, & satis ibi trufaui, ironice nomini alludens. Erat enim post illa tempora, quo Conuersi se ordini opposuerant. Tam horrendus & tam venenatus est dæmonum aspectus, vt non solum sanos infirmet, sed nonnunquā etiā interficiat.

## CAPVT XXX.

*Diabolū  
interdū  
etiā in-  
terficere  
homines.*

**D**uo iuuenes seculares nondum milites, ex quibus vnum erat dapifer Abbatis Prumiæ, qui mihi hæc, quæ dicturus sum, retulit: in quadam vigilia sancti Ioannis Baptista, post solis occasum circa riuum, qui monasterium præterfluit, in dextrarijs suis spatiabantur. Vidētes ex altera parte riuli quasi speciem mulieris in veste linea, putantes quia maleficia exerceret, vt quibusdam mos est in nocte illa, vt caperent eam, aquam transferunt. Quæ cùm veste leuata fugere videretur, illi in equis velocissimis insequentes, cùm fugientem, quam quasi vmbra ante se videvant, comprehendere non valerent, deficienribus equis vnum dixit: Quid agimus? Diabolus est enim, & signantes se, monstrum ultra non videbat. Ab illa hora tā homines quām iumenta multo tempore languerunt, vix mortem euadens. APOLLONIUS: Non ista miror pe diabolo, cùm legam basiliscū solo visu homines & aves & iumenta interficere.

*Psal. 90.*

CÆSARIVS: Hoc ipsum agit diabolus in Psal. per basiliscū designatus, sicut tibi subiectis ostendā exéplis.

## CAPVT XXXI.

**I**N Kunincskirchin, sicut sacerdos ciudē villa retulit Lamberto monacho nostro, matrona quædā honesta, dum nocte quadam cum alia quadam femina, nescio vnde veniens, per villam eandem transiret, diabolus cuiusdam serui admodū iocosi formam assumens, manum eius tenuit, & modicum strinxit. Cui cùm diceret, dimitte me, mox illum non vidit: quæ statim male habere cœpit, feminæ sequenti die dicens; Seruus ille compressit me, & ecce ex hoc de-

fectio

fectio cordis inuasit me. Dicente illa; Nequaquam hic fuit. Respondit matrona; Imo certissimè , satis enim proterè respexit me, vadensque in domum suam lecto decubuit, & post paucos dies defuncta est.

## C A P V T   X X X I I .

**M**VLIERI cuidam, iuxta castrum Are commanenti, hoc anno simile contigit. Haec cùm maritum haberet ebriosum, nulla præsumebat nocte ire dormitum, donec ille à taberna rediret. Quædum una noctium, pasta ad coquendos panes præparata, ante fores domus suæ fuderet, viri præstolans aduentum, duos in albis vestibus ad se venire vidit. In cuius amplexus, dū vñus illorū rueret, eamque brachijs stringeret, illa clamante, ambo disparuerunt, quæ in domum fugiens, mox vt lumen vidiit, amens facta ruit, filiamque propriam in clamore conuertit. Post paucos dies defuncta est. Ecce, quo Dei iudicio talia fiant prorsus ignoro. A P O L L O N I V S : Horrenda sunt haec. CÆSAR I V S : Audi aliud, quod satis terrere nos poterit, qui dicimus viri religio si.

## C A P V T   X X X I I I .

**T**Empore quodam æstiuo, Conuersis ordinis nostri in dormitorio suo meridie quiescentibus, diabolus in specie monialis nigri ordinis singul orum lectos circuiuit, ante quosdam stetit, ante quosdam cum festinatione præterinit. Veniens ad quendam Conuersum, ante illum se inclinauit, & brachijs collum eius stringens, tactuque meretricio demulcens, oscula in eius ora defixit. Quod cùm quidam frater religiosus vidisset, & illa disperuisset, satis tam de persona, quam opere, & in tali loco supens surrexit, & Conuersi lectum adjit; quem quidem dormientem, sed incompositè & impudicè nudatumque iacentem inuenit. Cæteris ad signum nonæ surgentibus, ille grauem se sentiens, surgere non potuit, & ad vesperam in infirmitorio ductus, infra triduum vitam finiuit. Haec apud nos eiusdem, vt puto, loci graniarius recitauit, afferens sibi dictum ab eodem Conuerso, qui vidit visionem, sub typo confessionis.

A P O L